

**/մաքսային կանոնների խախտման վերաբերյալ
գործի վարույթը կարճելու վերաբերյալ/**

«15» նոյեմբերի 2022թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Հայաստանի Հանրապետության քաղաքացի Ռուբիկ Արարատի Բեժանյանի (անձնագիր՝ AP0279647, Արցախի Հանրապետություն, Շահումյանի շրջան, գ.Նոր Վերինշեն) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Թիվ 05100041/100922/0037638 տարանցման հայտարարագրով Ռուբիկ Բեժանյանի կողմից մինչև 20.09.2022 թվականը ժամկետով ՀՀ ներմուծված TOYOTA մակնիշի, HILUX մոդելի, 2022 թվականի արտադրության, MR0DX9CD5K2637426 նույնականացման համարով տրանսպորտային միջոցը սահմանված ժամկետում չի հասցվել Հարավային մաքսատուն-վարչություն:

Նշված փաստի առթիվ Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 22.09.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմնի **մաքսային հսկողության ներքո գտնվող ապրանքները** կամ **տրանսպորտային միջոցները և ուղեկցող փաստաթղթերը սահմանված ժամկետում չհասցնելը**:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչություն՝ նպատակ ունենալով պարզել քաղաքացի Ռուբիկ Բեժանյանի հաշվառման վայրը:

ՀՀ Ոստիկանության անձնագրային և վիզաների վարչությունից տրամադրվել է տեղեկատվություն առ այն, որ Ռուբիկ Բեժանյանը 26.05.2015 թվականից հաշվառված է ԼՂՀ, Նոր Վերինշեն (Շահումյան) հասցեում:

Քաղաքացի Ռուբիկ Բեժանյանի նկատմամբ ՀՀ մաքսային օրենսգրքի 195-րդ հոդվածի համաձայն հարուցված վարչական վարույթի մասին ծանուցագիր և արձանագրություն է ուղարկվել Արցախի Հանրապետություն, Շահումյանի շրջան, գ.Նոր Վերինշեն հասցեին, որը փոստային ծառայության կողմից հետ է վերադարձվել ուղեկցական գրությամբ, որում նշված է, որ Ադրբեջանի հսկողության տակ անցած Բերձոր և Հադրութ բնակավայրերն այժմ չեն սպասարկվում «Արցախփոստ»-ի կողմից և այդ ուղղություններով փոստափոխադրման աշխատանքները դադարեցված են:

Վարչական վարույթի ընթացքում պարզվել է, որ թիվ 05100041/100922/0037638 տարանցման հայտարարագիրը 28.09.2022 թվականին 02.09.2022 թվականի թիվ 349 գաղտնի գրության համաձայն ավարտվել է:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:


Նույն օրենքի 42-րդ հոդվածի 1-ին մասի համաձայն՝ վարչական մարմինը վարչական վարույթում որպես ապացույց գնահատում է գործում առկա բացատրությունները, ցուցմունքները, փորձագիտական եզրակացությունները, փաստաթղթերը, նյութերը, իրերը, ինչպես նաև այն հանգամանքները, որոնք իր հայեցողությամբ այդ մարմինը պիտանի և անհրաժեշտ է համարում գործի փաստական հանգամանքների բացահայտման և գնահատման համար:

Ելնելով վերոգրյալից և ղեկավարվելով ՀՀ մաքսային օրենսգրքի 208-րդ հոդվածի և «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետով՝

Ո Ր Ո Շ Ե Ց Ի

1. Հայաստանի Հանրապետության քաղաքացի Ռուբիկ Արարատի Բեժանյանի նկատմամբ հարուցված վարչական գործի վարույթը կարճել:
2. Որոշման մասին հայտնել քաղաքացի Ռուբիկ Արարատի Բեժանյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ